

11/1. 04

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), a u vezi sa članom 69. tačka 47. i članom 81. stav (1) Zakona o izvršenju Budžeta Tuzlanskog kantona za 2021. godinu („Službene novine Tuzlanskog kantona“, br. 1/21, 12/21 i 19/21), Vlada Tuzlanskog kantona, na sjednici održanoj dana 09.11.2021. godine, d o n o s i

O D L U K U

o izmjeni i dopunama Odluke o utvrđivanju uslova, kriterija i postupka za raspodjelu sredstava sa potrošačke jedinice 32010002 – Tjelesna kultura i sport za 2021. godinu

Član 1.

- (1) U članu 1. stav (1) Odluke o utvrđivanju uslova, kriterija i postupka za raspodjelu sredstava sa potrošačke jedinice 32010002 – Tjelesna kultura i sport za 2021. godinu („Službene novine Tuzlanskog kantona“, broj: 10/21) riječi „u iznosu od 855.000,00 KM“ zamjenjuju se riječima „u iznosu od 1.555.000,00 KM.
- (2) U stavu (2) iza tačke d) dodaju se nove tačke e), f) i g) koje glase:
 - e) 615100 – Kapitalni transferi drugim nivoima vlasti i fondovima u iznosu od 280.000,00 KM,
 - f) 615300 – Kapitalni transferi neprofitnim organizacijama u iznosu od 220.000,00 KM,
 - g) 615400 – Kapitalni transferi javnim preduzećima u iznosu od 200.000,00 KM.

Dosadašnja tačka e) postaje tačka h).

Član 2.

- (1) U članu 2. iza stava (4) dodaje se novi stav (5) koji glasi:

„(5) Sredstva iz člana 1. stav (2) tačke e), f) i g) ove odluke dodjeljivati će se lokalnim zajednicama sa područja Tuzlanskog kantona, javnim ustanovama i javnim preduzećima u oblasti sporta, sportskim klubovima i sportskim klubovima osoba sa invaliditetom. Prioritet u dodjeli sredstava imaju projekti sportskih objekata koji su u javnom vlasništvu.“

Dosadašnji stav (5) postaje stav (6).

Član 3.

- (1) U članu 3. u stavu (1) u tački f) na kraju teksta briše se tačka i dodaje se tekst „i izuzev projekata namijenjenih za sportsku infrastrukturu.“.

Član 4.

- (1) U članu 4. iza stava (4) dodaje se novi stav (5) koji glasi:

„(5) Sredstva iz člana 2. stav (5) ove odluke dodjeljivati će se lokalnim zajednicama sa područja Tuzlanskog kantona, javnim ustanovama i javnim preduzećima u oblasti sporta, sportskim klubovima i sportskim klubovima osoba sa invaliditetom za namjene sufinansiranja rekonstrukcije i opremanja sportskih objekata na području Tuzlanskog kantona u cilju ostvarivanja javnog interesa u sportu kroz podsticanje i obezbjeđenje uslova za obavljanje i razvoj sportskih djelatnosti.“

Dosadašnji stav (5) postaje stav (6).

Član 5.

(1) U članu 5. iza stava (2) dodaje se novi stav (3) koji glasi:

„(3) Prilikom kandidovanja svojih projekata, lokalne zajednice, javne ustanove i preduzeća iz oblasti sporta, sportski klubovi i sportski klubovi lica sa invaliditetom iz člana 2. stav (5) ove Odluke moraju ispunjavati sljedeće uslove:

- a) da imaju sjedište u Tuzlanskom kantonu,
- b) da su registrovane u skladu sa zakonom i da obavljaju djelatnost najmanje jednu godinu,
- c) da su izmirile svoje obaveze po osnovu poreza i obaveznih doprinosa ili imaju zaključen sporazum o odgođenom plaćanju sa nadležnom poreskom upravom, koji se izvršava na način utvrđen tim sporazumom, izuzeće su lokalne zajednice,
- d) da imaju aktivan transakcijski račun u banci,
- e) da su opravdale namjenski utrošak sredstava dodijeljenih iz Budžeta Tuzlanskog kantona u protekle četiri godine, izuzeće su lokalne zajednice,
- f) da za predloženi projekat nisu dobili sredstva sa drugih budžetskih pozicija Budžeta Tuzlanskog kantona u 2021.godini,
- g) da će se projekat realizovati najkasnije do kraja juna 2024.godine,
- h) da su kandidovali jedan (1) projekat koji se realizuje na području Tuzlanskog kantona,
- i) da je sportski objekat u vlasništvu aplikanta ili da aplikant ima pravo upravljanja sportskim objektom odnosno da ima saglasnost vlasnika za izvođenje radova,
- j) da je za projekat osiguran dio sredstava iz drugih izvora finansiranja,
- k) da za sportski objekat na kojem se vrše radovi posjeduje odobrenje za građenje,
- l) da nosilac projekta iz drugih izvora finansiranja snosi troškove izdavanja urbanističko – tehničke dokumentacije, izrade tehničke dokumentacije i izdavanja odobrenja za upotrebu.

Član 6.

(1) U članu 6. iza stava (1) dodaje se novi stav (2) koji glasi:

„(2) Vrednovanje, odnosno sufinansiranje projekata namijenjenih za rekonstrukciju i opremanje sportskih objekata na području Tuzlanskog kantona iz člana 4. stav (5) ove Odluke vrši se na sledeći način:

- a) **Projekti rekonstrukcije postojećih sportskih objekata** – vrednuju se i sufinansiraju projekti rekonstrukcije, adaptacije, sanacije i redovnog održavanja sportskih objekata koji se odnose na projekte lokalnih zajednica, projekte javnih ustanova i javnih preduzeća, projekte sportskih klubova i projekte sportskih klubova lica sa invaliditetom.
- b) **Projekti opremanja sportskih objekata** – vrednuju se i sufinansiraju projekti koji se odnose na nabavku opreme koja se ugrađuje u sportski objekat i sa njim čini funkcionalnu tehničko-tehnološku cjelinu.
- c) **Kandidovani projekti iz člana 6. stav (2) tačke a) i b) vrednuju se kroz sljedeće kriterije:**
 - a. Kvalitet projekta
 - komisija prema stručnoj procjeni ocjenjuje kvalitet projekta (predmjer i predračun radova) u rasponu od.....1 - 10 bodova
 - b. Kvalitet budžeta projekta
 - obezbjeđena finansijska sredstva iz drugih izvora finansiranja i realan plan osiguranja sredstava za realizaciju projekta.....10 bodova
 - c. Stanje objekta i neophodnost radova komisija procjenjuje iz dostavljene dokumentacije
 - rekonstrukcija objekta.....0 - 10 bodova
 - opremanje objekta.....0 - 5 bodova.
 - d. Značaj sportskog objekta za razvoj sporta i stvaranje uslova za sportske aktivnosti i vrhunski sport ocjenjuje komisija prema dostavljenim podacima i dokazima
 - veličina objekta, prostor za odvijanje trenažnog procesa, prostor za gledaoce, zagrijavanje sportskog objekta, postojeće stanje objekta ocjenjuje se u rasponu od.....0 - 10 bodova
 - mogućnost organizovanja sportskih takmičenja

- (međunarodna takmičenja, državna takmičenja, federalna takmičenja, kantonalna takmičenja, lokalna takmičenja).....0 - 10 bodova
- svrha korištenja objekta (edukacija, uvođenje novih sportskih aktivnosti, poboljšanje uslova treniranja i natjecanja, usavršavanje sportskih aktivnosti za ostvarivanje vrhunskih sportskih rezultata).....0 - 10 bodova
- iskorištenost kapaciteta objekta (broj sportskih organizacija i broj korisnika koje su korisnici sportskog objekta).....0 - 10 bodova
- objekat u javnoj svojini.....10 bodova.

Član 7.

(1) U članu 7. iza stava (11) dodaju se novi stavovi (12), (13) i (14), koji glase:

„(12) Raspodjela sredstava sa ekonomskog koda 615100 - Kapitalni transferi drugim nivoima vlasti i fondovima u iznosu od 280.000,00 KM, 615300 - Kapitalni transferi neprofitnim organizacijama u iznosu od 220.000,00 KM i sredstava sa ekonomskog koda 615400 – Kapitalni transferi javnim preduzećima u iznosu od 200.000,00 KM, raspoređivati će se putem Javnog poziva za sufinansiranje projekata rekonstrukcije i opremanja sportskih objekata.

„(13) Javni poziv iz stava (12) ovog člana raspisati će Ministarstvo i objaviti na web stranicama Vlade Kantona www.vladatk.gov.ba i Ministarstva www.mksmtk.gov.ba.“

„(14) Postupak raspodjele sredstava po Javnom pozivu iz stava (12) ovog člana vršit će Komisija za raspodjelu sredstava projekata sportske infrastrukture koju imenuje Ministarstvo, a koja će utvrditi blagovremenost, potpunost, vrednovanje i odabir prispijelih aplikacija u skladu sa ovom odlukom.

- a) Komisija za raspodjelu sredstava projekata sportske infrastrukture sastavljena je od 5 članova, a to su predstavnici Ministarstva, članovi iz reda istaknutih sportista ili sportskih radnika ili sportskih stručnjaka, i obavezno dva člana građevinske ili arhitektonske struke.
- b) U svom radu Komisija za raspodjelu sredstava projekata sportske infrastrukture može, radi što objektivnijeg vrednovanja pojedinih aplikacija zatražiti konsultacije eksperata iz datih oblasti, dodatno pojašnjenje od strane aplikanta koji se prijavio te po potrebi izvršiti provjeru prispijelih prijava posredno ili neposredno na licu mjesta.
- c) Komisija za raspodjelu sredstava projekata sportske infrastrukture o svom radu sačinjava zapisnik koji dostavlja Ministarstvu uz Listu nepotpunih i neblagovremenih, i blagovremenih i potpunih aplikacija. Lista nepotpunih i neblagovremenih aplikacija biće objavljena na stranici Ministarstva. Vrednovanje i odabir aplikacija vrši se na osnovu kriterija utvrđenih ovom odlukom i dostavljene dokumentacije kojom aplikanti dokazuju ispunjavanje kriterija za vrednovanje projekata, te prema ostvarenom broju bodova i u zavisnosti od namjene i vrste projekta predlaže iznose za raspodjelu.
- d) Na osnovu prijedloga Komisije iz tačke c) ovog stava Ministarstvo donosi odluku o odobravanju finansijskih sredstava korisnicima, iznosima i namjeni finansijskih sredstava na koju saglasnost daje Vlada Kantona.
- e) Sa odabranim korisnicima sredstava iz tačke d) ovog stava Ministarstvo potpisuje pojedinačne ugovore kojima će se regulisati međusobna prava i obaveze, nakon čega se sredstva doznačavaju na transakcijski račun korisnika.“

Član 8.

(1) U članu 8. iza stava (1) dodaje se novi stav (2) koji glasi:

„(2) O rezultatima Javnog poziva za sufinansiranje projekata rekonstrukcije i opremanja sportskih objekata podnosioci prijava će biti obaviješteni putem web stranice Vlade Kantona www.vladatk.gov.ba i web stranice Ministarstva www.mksmtk.gov.ba

Član 9.

(1) U članu 9. iza stava (4) dodaju se novi stavovi (5), (6) i (7), koji glase:

„(5) Korisnici sredstava iz člana 7. stav (14) tačka d) ove odluke, dostavljaju Ministarstvu narativni i finansijski Izvještaj o namjenskom utrošku sredstava na način, u rokovima i u skladu sa Uputstvom korisnicima sredstava ministarstva za kulturu, sporta i mlade za finansijsko implementiranje i izvještavanje koji će biti definisani ugovorom iz člana 7. stav (14) tačka e) ove odluke.

„(6) Ministarstvo će nakon isteka roka za dostavljanje izvještaja iz stava (5) ovog člana imenovati komisiju koja će izvršiti kontrolu dostavljenih izvještaja i kontrolu utroška sredstava dodijeljenih korisnicima u skladu sa namjenama za koje su sredstva dodijeljena. Komisija je dužna nakon završenog posla sačiniti zapisnik sa tabelarnim pregledom korisnika koji su dostavili izvještaje i korisnika koji nisu dostavili izvještaje, odnosno koji su namjenski utrošili i koji nisu namjenski utrošili dodijeljena sredstva.“

„(7) Korisnik za kojeg se utvrdi da nije postupio u skladu sa odredbom iz stava (5) ovog člana ne može ostvariti pravo na dodjelu sredstava za sufinansiranje programa/projekta iz Budžeta Tuzlanskog kantona.“

Član 10.

(1) U članu 10. iza stava (5) dodaju se novi stavovi (6), (7), (8) i (9), koji glase:

„(6) Aplikanti koji se prijavljuju na Javni poziv za sufinansiranje projekata rekonstrukcije i opremanja sportskih objekata iz stava (11) člana 7. ove odluke (u daljem tekstu: aplikant) obavezni su prilikom prijavljivanja dostaviti sljedeće:

- a) Popunjen aplikacijski obrazac za dodjelu sredstava po Javnom pozivu za sufinansiranje projekata rekonstrukcije i opremanja sportskih objekata za 2021. godinu, potpisan i ovjeren pečatom pravne osobe, sa izjavom o tačnosti svih podataka dostavljenih po prijavi na Javni poziv isključivo na propisanom aplikacijskom obrascu (original),
- b) Aktuelni izvod iz registra u kome je aplikant registriran (udruženja dostavljaju izvod iz registra udruženja, a izvod iz registra nadležnog suda dostavljaju javne ustanove ili javna preduzeća), ne stariji od šest mjeseci od dana objave Javnog poziva (orginal ili ovjerena kopija). Lokalne zajednice su izuzete od dostavljanja aktuelnog izvoda iz registra,
- c) Uvjerenje o poreskoj registraciji – identifikacioni broj (original ili ovjerena kopija),
- d) Obavještenje o razvrstavanju – Klasifikacija djelatnosti (original ili ovjerena kopija). Javne ustanove, javna preduzeća iz oblasti sporta i klubovi imaju obavezu da ukoliko se iz Klasifikacije djelatnosti ne vidi da aplikant obavlja sportsku djelatnost dostave ovjerenu kopiju rješenja iz kojeg se vidi da aplikant obavlja sportsku djelatnost,
- e) Potvrda poslovne banke, u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od tri mjeseca od dana objave Javnog poziva (orginal ili ovjerena kopija).

Za budžetske korisnike koji koriste depozitne račune potrebno je dostaviti potvrdu od nadležnog organa uprava na čije ime je otvoren depozitni račun, s brojem depozitnog računa i instrukcijom za plaćanje ne starija od tri mjeseca (original ili ovjerena kopija),

- f) Bilans stanja i bilans uspjeha za 2020. godinu sa vidljivim pečatom FIA ili potvrda sa pečatom FIA da nije bilo promjena na računu za registrovane u 2020. godini koji nisu predali bilans stanja i bilans uspjeha (original ili ovjerena kopija),
- g) Uvjerenje/potvrda o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH za aplikante koji imaju zaposlenike, aplikant koji nema zaposlenika dostavlja izjavu ovjerenu kod nadležnog organa da nema zaposlenih i da nema neizmirenih obaveza, ne starije od tri mjeseca od dana podnošenja prijave (original ili ovjerena kopija). Lokalne zajednice su izuzete dostavljanja ovog uvjerenja,
- h) Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a). Ukoliko nije u sistemu PDV-a, aplikant o tome dostavlja izjavu ovjerenu kod

nadležnog organa (original ili ovjerena kopija). Lokalne zajednice su izuzete dostavljanja ovog uvjerenja,

„(7) Aplikanti iz stava (6) ovog člana obavezni su prilikom prijavljivanja dostaviti i dokumentaciju kojom dokazuju ispunjavanje ostalih uslova i kriterija za vrednovanje (bodovanje) projekata iz člana 6. stav (2) ove odluke, a to su:

- a) Dokaz da je sportski objekat u vlasništvu aplikanta ili da aplikant ima pravo upravljanja sportskim objektom odnosno da ima saglasnost vlasnika za izvođenje radova (original ili ovjerena kopija ne starija od 3 mjeseca),
- b) Izjava da u momentu podnošenja prijave nema zakonskih smetnji za izvođenje navedenih radova (ovjerena od nadležnog organa za ovjeru),
- c) Potvrda ili izjava da je u momentu podnošenja prijave osiguran dio sredstava iz drugih izvora za realiziranje navedenog projekta sa navedenim iznosom i namjenama (ovjerena od strane nadležnog organa za ovjeru),
- d) Za postojeći objekat na kojem se vrše radovi dostavlja se odobrenje za građenje izdato od nadležnog organa za prostorno uređenje (original ili ovjerena kopija ne starija od 3 mjeseca),
- e) Za planirane radove dostavlja se predmjer i predračun radova (original ili ovjerena kopija),
- f) Izjava da će se nakon okončanja radova odnosno krajnjeg roka za realizaciju projekta, Ministarstvu dostaviti odobrenje za građenje radova po projektu i upotrebna dozvola (ovjerena od nadležnog organa za ovjeru). U slučaju da se planirani radovi smatraju tekućim održavanjem potrebno je dostaviti izjavu da će se nakon okončanja radova odnosno krajnjeg roka za realizaciju projekta dostaviti odgovarajući akt nadležnog organa (nadležne službe) da se radi o radovima koji se smatraju tekućim održavanjem i za koje nije potrebno odobrenje za građenje (ovjerena od nadležnog organa za ovjeru),
- g) Dokaz iskorištenosti kapaciteta objekta sa brojem sportskih organizacija i brojem korisnika iz oblasti sporta i ostalih korisnika koji koriste objekat (izjava ovjerena od nadležnog organa za ovjeru).

„(8) U prilogu ove Odluke i njen sastavni dio je aplikacijski obrazac propisan tačkom a) stavom (6) ovog člana koji će biti dostupan na web stranici Vlade Kantona www.vladatk.gov.ba i Ministarstva www.mksmtk.gov.ba, i to:

- Aplikacijski obrazac 6 – Rekonstrukcija i opremanje sportskih objekata.

„(9) Sportske organizacije koje imaju zaključen Sporazum o odgođenom plaćanju sa nadležnom poreskom upravom, dužne su prilikom kandidovanja projekta dostaviti ovjerenu kopiju zaključenog Sporazuma o odgođenom plaćanju, te odgovarajuće dokaze o izvršavanju Sporazuma na način kako je to istim utvrđeno.“

Član 11.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovina
TUZLANSKI KANTON
V L A D A

Broj: 02/1- 36 - 25068 - 2/21
Tuzla, 09.11.2021. godine



PREMIJER KANTONA

Kadrija Hodžić

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo za kulturu, sport i mlade



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство за културу, спорт и младе

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Culture, Sports and Youth

Tuzla, Rudarska br. 65., tel.: ++387 35 369-352 fax.: ++387 35 369-437 e-mail: mksm@tk.kim.ba

APLIKACIJSKI OBRAZAC 6

(Rekonstrukcija i opremanje sportskog objekta)

za dodjelu sredstava po Javnom pozivu za sufinansiranje projekata rekonstrukcije i opremanja sportskih objekata u 2021. godini

1. PODACI O PODNOSIOCU PRIJAVE (APLIKANTU)

Osnovni podaci

1. Naziv aplikanta

2. Adresa sjedišta i e-mail adresa

3. Ime i prezime odgovorne osobe

Kontakt podaci

4. Ime i prezime ovlaštene kontakt osobe i funkcija

5. Telefon/mobitel, fax

6. E-mail adresa

Podaci o banci i ID broj

7. Naziv banke i transakcijski/depozitni broj računa:

8. Identifikacijski broj (ID broj)

9. Podaci za uplate na depozitni račun
Broj Budžetske organizacije

Vrsta prihoda

Šifra općine

Podaci o projektu

10. Naziv projekta

11. Mjesto realiziranja projekta

12. Ukupna vrijednost projekta

13. Da li ste za projekat dobili sredstva sa drugih budžetskih pozicija Budžeta Tuzlanskog kantona u 2021. godini? (DA ili NE, ako je DA navesti kojih)

Podnosilac prijave (aplikant) obavezno dostavlja dokumentaciju prema navedenom redoslijedu: (označiti znakom „x“ dokumentaciju koja se dostavlja u prilogu):

- Aktuelni izvod iz registra u kome je aplikant registriran (udruženja dostavljaju izvod iz registra udruženja, a izvod iz registra nadležnog suda dostavljaju javne ustanove ili javna preduzeća), ne stariji od šest mjeseci od dana objave Javnog poziva (original ili ovjerena kopija). Lokalne zajednice su izuzete od dostavljanja aktuelnog izvoda iz registra,*
- Uvjerenje o poreskoj registraciji – identifikacioni broj (original ili ovjerena kopija),*
- Obavještenje o razvrstavanju – Klasifikacija djelatnosti (original ili ovjerena kopija). Javne ustanove, javna preduzeća iz oblasti sporta i klubovi imaju obavezu da ukoliko se iz Klasifikacije djelatnosti ne vidi da aplikant obavlja sportsku djelatnost dostave ovjerenu kopiju rješenja iz kojeg se vidi da aplikant obavlja sportsku djelatnost*
- Potvrda poslovne banke, u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od tri mjeseca od dana objave Javnog poziva (original ili ovjerena kopija).
Za budžetske korisnike koji koriste depozitne račune potrebno je dostaviti potvrdu od nadležnog organa uprava na čije ime je otvoren depozitni račun, s brojem depozitnog računa i instrukcijom za plaćanje ne starija od tri mjeseca (original ili ovjerena kopija),*
- Bilans stanja i bilans uspjeha za 2020. godinu sa vidljivim pečatom FIA ili potvrda sa pečatom FIA da nije bilo promjena na računu za registrovane u 2020. godini koji nisu predali bilans stanja i bilans uspjeha (original ili ovjerena kopija),*
- Uvjerenje/potvrda o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH, za aplikante koji imaju zaposlenike, aplikant koji nema zaposlenika dostavlja izjavu ovjerenu kod nadležnog organa da nema zaposlenih i da nema neizmirenih obaveza, ne starije od tri mjeseca od dana podnošenja prijave (original ili ovjerena kopija). Lokalne zajednice su izuzete dostavljanja ovog uvjerenja*
- Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a). Ukoliko nije u sistemu PDV-a, aplikant o tome dostavlja izjavu ovjerenu kod nadležnog organa (original ili ovjerena kopija). Lokalne zajednice su izuzete dostavljanja ovog uvjerenja.*

Aplikanti su obavezni prilikom prijavljivanja dostaviti i dokumentaciju kojom dokazuju ispunjavanje ostalih uslova i kriterija za vrednovanje (bodovanje) projekata, a to su:

- Dokaz da je sportski objekat u vlasništvu aplikanta ili da aplikant ima pravo upravljanja sportskim objektom odnosno da ima saglasnost vlasnika za izvođenje radova (original ili ovjerena kopija ne starija od 3 mjeseca),*
- Izjava da u momentu podnošenja prijave nema zakonskih smetnji za izvođenje navedenih radova (ovjerena od nadležnog organa za ovjeru),*
- Potvrda ili izjava da je u momentu podnošenja prijave osiguran dio sredstava iz drugih izvora za realiziranje navedenog projekta sa navedenim iznosom i namjenama (ovjerena od strane nadležnog organa za ovjeru),*
- Za postojeći objekat na kojem se vrše radovi dostavlja se odobrenje za građenje izdato od nadležnog organa za prostorno uređenje (original ili ovjerena kopija ne starija od 3 mjeseca),*
- Za planirane radove dostavlja se predmjer i predračun radova (original ili ovjerena kopija),*
- Izjava da će se nakon okončanja radova odnosno krajnjeg roka za realizaciju projekta, Ministarstvu dostaviti odobrenje za građenje radova po projektu i upotrebna dozvola (ovjerena od nadležnog organa za ovjeru). U slučaju da se planirani radovi smatraju tekućim održavanjem potrebno je dostaviti izjavu da će se nakon okončanja radova odnosno krajnjeg roka za realizaciju projekta dostaviti odgovarajući akt nadležnog organa (nadležne službe) da se radi o radovima koji se smatraju tekućim održavanjem i za koje nije potrebno odobrenje za građenje (ovjerena od nadležnog organa za ovjeru),*
- Dokaz iskorištenosti kapaciteta objekta sa brojem sportskih organizacija i brojem korisnika iz oblasti sporta i ostalih korisnika koji koriste objekat (izjava ovjerena od nadležnog organa za ovjeru).*

2. OPIS PROJEKTA

2.1. Kratko opisati projekt, svrhu projekta i koje aktivnosti su predviđene?
Neophodno je navesti i opis po fazama ako realizacija projekta zahtjeva faze, te razloge i neophodnost radova na objektu/terenu.

2.2. Da li realizacija projekta ima međunarodni značaj (navesti DA ili NE)

2.3. Vrsta radova (označiti aktivnost sa X)

a)Rekonstrukcija

Rekonstrukcija postojećeg objekta

Adaptacija

Sanacija

Redovno održavanje

b) Opremanje sportskog objekta

Zamjena postojeće opreme

Opremanje postojećeg objekta

2.4. Naziv sportskog objekta/terena

2.5. Lokacija-mjesto i adresa

2.6. Vrsta sportskog objekta/terena (označiti vrstu objekta/terena sa X)

Zatvoreni sportski objekat

Otvoreni sportski teren

2.7. Da li je objekat u javnom vlasništvu (navesti DA ili NE)

2.8. Imovinsko pravni odnosi

2.8.1. Vlasnik objekta/terena (navesti dokaz o vlasništvu)

2.8.2. Korisnik objekta/terena (navesti saglasnost vlasnika o korištenju i upravljanju objektom/terenom)

3. PODACI O BUDŽETU PROJEKTA		
3.1. Podaci o predloženom projektu		Iznos u KM (s PDV-om)
3.1.1. Iznos ukupne vrijednosti projekta		
3.1.2. Iznos do sada uložениh sredstava (iz prethodnih godina) navesti izvore finansiranja dosadašnjih radova		
3.1.3. Iznos potrebnih sredstava za završetak cjelokupnog projekta		
3.2. Podaci o izvorima finansiranja projekta		Iznos u KM (s PDV-om)
3.2.1. Iznos ukupne vrijednosti predloženog projekta u 2021.g.		
3.2.2. Vrsta prihoda (očekivana sredstva iz drugih izvora)	Vlastita sredstva	
	Sredstva grada/općine	
	Tuzlanski kanton	
	Federalno ministarstvo kulture i sporta	
	Sredstva sponzora, donatora	
	Ostali izvori (precizirati koji)	
4. ZNAČAJ OBJEKTA/TERENA ZA RAZVOJ SPORTA NA PODRUČJU KANTONA		
4.1. Opis sportskog objekta/terena	Dimenzije sportskog objekta/terena u m ² (navesti)	
	Dimenzije korisne površine sportskog objekta/terena u m ² (navesti)	
	Prostor za gledaoce-tribine (navesti broj sjedišta)	
	Zagrijavanje sportskog objekta (navesti vrstu energenta)	
	Mokri čvor (navesti postojeće stanje)	
	Svlačionice (navesti broj svlačionica i postojeće stanje)	

4.2. Mogućnost organizovanja sportskih takmičenja (zadovoljava li sportski objekat/teren standarde i normative za odigravanje utakmica-označiti s X)		Međunarodna takmičenja	
		Državna takmičenja	
		Federalna takmičenja	
		Kantonalna takmičenja	
		Lokalna takmičenja	
4.3. Objekat se koristi u svrhu: (označiti svrhu sa X)		Edukacija i uvođenje novih sportskih vještina	
		Poboljšanje uslova treniranja i natjecanja	
		Usavršavanje sportskih aktivnosti za ostvarivanje vrhunskih sportskih rezultata	
4.4. Korisnici sportskog objekta/terena (označiti korisnike s X, a u posljednju kolonu navesti broj korisnika)		Školska populacija	
		Sportski klubovi	
		Sportisti pojedinci	
		Rekreativci	
4.5. Broj sportskih aktivnosti koje se obavljaju u sportskom objektu/terenu (navedite broj i sportske aktivnosti koje se odvijaju, npr. fudbal, košarka, atletika i slično)			

I Z J A V A

1. Kao odgovorna osoba podnosioca prijave, pod krivičnom i materijalnom odgovornošću, izjavljujem da su svi podaci koji su navedeni u Prijavi na ovaj poziv, istiniti i tačni.
2. Posjedujemo dokumentaciju kojom se dokazuje ispunjenost propisanih uslova i kriterija prema zakonu kojim se uređuje oblast prostorno planiranja, kao i dokumentaciju o realizaciji projekta.
3. Navedena vlastita sredstva su osigurana.
4. Dodijeljena sredstva koristit će se isključivo za realiziranje odobrenog projekta, u skladu sa dostavljenom dokumentacijom.
5. U slučaju odustajanja od realiziranja odobrenog projekta, izvršit ćemo povrat dodijeljenih sredstava.
6. Prihvaćamo da kontrolu namjenskog utroška sredstava izvrši Ministarstvo kulture, sporta i mladih na osnovu dostavljenog izvještaja, a u slučaju potrebe neposrednim uvidom u dokumenta u našim prostorijama.
7. Izvještaj o realiziranju projekta dostavit ćemo u roku koji je propisan Javnim pozivom.

M.P.

Ime i prezime i potpis odgovorne osobe